



'Hoćete li da vas obavijestim o najvećim grijesima?

Od Ebu Bekreta, radijallahu anhu, prenosi se da je rekao: "Allahov Poslanik, sallallahu alejhi ve sellem, je kazao: 'Hoćete li da vas obavijestim o najvećim grijesima?', tri puta. Mi odgovorismo: 'Svakako, o Allahov Poslaniče!' On tada reče: 'Pripisivanje druga Allahu i neposlušnost roditeljima.' Bio je naslonjen, zatim se ispravi sjedeći i reče: 'Svakako, i lažan govor i lažno svjedočenje!' Zatim je toliko dugo ponavljao ovo dvoje zadnje da smo (od straha) rekli: 'Kamo sreće da prestane.'"

[Vjerodostojan] [Muttefekun alejh]

Allahov Poslanik, sallallahu alejhi ve sellem, u ovom hadisu svoje ashabe obavještava o najvećim grijesima, među kojima je spomenuo tri: 1. Pripisivanje druga Allahu (širk). To znači da se nekome drugom mimo Allahu preusmjeri ibadet i da se neko drugi poistovijeti sa Allahom u Njegovom uluhijetu, rububijetu, imenima ili svojstvima. 2. Neposlušnost roditeljima koja se ogleda u svakom postupku i govoru koji im pričinjava neprijatnost. 3. Lažan govor u kojeg spada i lažno svjedočenje. To je svaki izmišljeni govor s kojim se želi od nekoga bespravno uzeti imetak, nasrnuti na nečiju čast i tome slično. Poslanik je više puta upozorio na lažan govor želeći da istakne njegovu opasnost i loše posljedice koje on ostavlja na društvo, tako da su ashabi kazali: "Kamo sreće da prestane", iz sažaljenja prema njemu i bojazni da ga ništa ne uznemirava.

<https://www.sunnah.global/hadeeth/bs/show/2941>